

Persisi ditegur

- 9 MAR 1991

KAMI ingin merujuk berita (BH 2 Mar 1991) mengenai sikap Persisi.

Kami bersependapat dengan penulis tersebut. **SUKAN ANWARAH**

Semua program pertandingan, pencalonan, undangan dan hal-hal lain dibincang secara berselindung hanya untuk orang tertentu.

Sering terdapat pesilat yang mewakili negara kita dari satu perguruan saja. Bukankah baik jika Persisi mengambil pesilat dari perguruan lain.

Kami difahamkan Persisi kini telah membuat satu pengumuman tidak menggalakkan pesilat Singapura mempelajari silat dari luar negeri dan kerana itu ramai bilangan bakal jurulatih tidak dapat rekomendasi.

Kami juga setuju agar tindakan disiplin pasti diambil kepada kumpulan atau individu yang mencemarkan nama baik Persisi kerana perbuatan itu sangat memalukan. Tapi mengapa Persisi tidak menjelaskan tindakan itu dan siapa yang terlibat kepada kerabatnya?

Banyak lagi hal yang berlaku hingga kini kami tidak tahu. Semoga Persisi lebih merapati kerabatnya dan bersikap induk yang berterus-terang.

**Pencinta Silat
Singapura 2367**